



Mag. St. Dr.

221960


I | 221982






221960 — 221982

I





Vice-Colonelli CORSONICHI Methodus brevissima & demonstrativa
describendi quadratum æquale circulo, & vice versa, ex qua luculenter ap-
paret, quadraturam circuli inventam per rationes diametri ad periph:
ut 8:25, vel quadrati diametri ad aream circuli, ut 64:50, esse veram.

Varsavia 1785.

21.
121998

1. Semicirculus, cuius radius 4, inventus per rationem 8:
25, est = 25: ergo radix ejus 5 est latus quadrati æqualis huic
semicirculo, quod est itaque ad radium ejus, ut 5: 4. Jam
cum hæc ratio ob similitudinem tam semicirculorum, quam ra-
diorum, nequeat esse alia; manifestum est, ex radice semicircu-
li cuiuscunq[ue] illico radium ejus inveniri, inferendo: Ut 5: 4,
ita radix semicirculi dati ad ejus radium. E. gr. Quoniam semicir-
culi sunt in ratione duplicita radiorum, erit semicirculus, cuius ra-
dius 8, quadruplo major semicirculo 25, nempe 100, cuius radix
est 10; sed radix 10 est ad radium 8, ut 5: 4, ergo habetur
proportio, ut 5: 4, ita radix semicirculi ad ejusdem radium.

2. Quoniam igitur per hanc rationem *semper & absque*
ulla exceptione reperitur RADIUS VERUS, aureis designandus
literis, quippe qui est basis demonstrationis præsentis; necesse
est, ut ratio 5: 4 sit vera; sed hæc ratio deducta est ex ra-
tione 8: 25, quam habet diameter ad peripheriam: ergo etiam
hæc est vera; & quia rationes quadrati diametri ad circulum,
ut 64: 50, & cubi diametri ad sphæram, ut 48: 25, sunt quo-
que deductæ ex ratione 8: 25; evidens est, etiam illas esse
veras. Ergo etiam *quadratura circuli* per rationes diametri ad
peripheriam, ut 8: 25; vel quadrati diametri ad circulum, ut
64: 50, est vera. Ergo scripta mea anteriora, in quibus eas-
dem veritates demonstravi, nullos continent paralogismos. Er-
go celeber per omnia secula seculorum Ex-Professor Kocius,
ad obtinendum præmium 50. Aureorum à me propositum, in-
justissimam mihi movit item.

3. Quoniam 4 quantitates proportionales possunt inter
se permutari salva proportione; erit, invertendo terminos pro-
portionis per § 1imum demonstratæ, ut 4: 5, ita radius semi-
circuli ad ejus radicem, h. e. ut patet ex § 1imo, ad latus qua-
drati æqualis semicirculo. Reperitur itaque latus quadrati æqua-
lis semicirculo, inferendo: Ut radius 4 ad latus 5, ita radius da-
tus semicirculi ad latus quadrati huic æqualis. Hisce præmis-
sis, accedo ad solutionem 4 problematum sequentium.

4. Problema I. Componere quadratum æquale semicirculo
dato. Resolutio. Ex semicirculo dato (100) extrahatur radix (10),

(1)


hæc


hæc erit vi § 1mi, latus quadrati æqualis semicirculo dato. Vel si datur radius in numero, quæratur ad 4, 5, & radium datum (8) numerus 4tus proportionalis (10), qui per § 3tiū erit latus quadrati quæsiti. Si radius detur per lineam, dividatur ille in 4 partes æquales, & 5 earum sumantur pro latere quadrati quæsiti.

5. Problema II. Componere quadratum æquale circulo dato. Resolutio. Per Problema I. quærarur latus quadrati æqualis semicirculo dato (100), lateri invento (10) jungatur idem latus (10) ad angulum rectum, & ducatur hypothenusa, quæ erit latus quadrati æqualis circulo dato. Nam quoniam per Theorema Pythagoricum, quadratum hypothenusæ est æquale quadratis catetherum, & catethi (10 & 10) sunt latera quadratorum (100 & 100) æqualium semicirculí (100 & 100); evidens est, quadratum hypotenusæ inventum (200) esse quadratum quæsítum æquale circulo dato (200).

6. Problema III. Describere semicirculum æqualem quadrato dato. Resolutio. Ex quadrato dato (100) extrahatur radix (10) & inferatur: ut 5 ad 4, ita radix inventa (10), h. e. latus quadrati æqualis semicirculo, ad ejus radium (8). Dico, semicirculum hoc radio descriptum (100) esse æqualem quadrato dato (100). Demonstratio patet ex §. 1mo. Si quadratum datum est quantitas surda, dividatur latus ejus in 5 partes æquales, & 4 earum sumantur pro radio semicirculi describendi; quo facto erit latus quadrati dati ad radium semicirculi quæsiti, ut 5 : 4. Ergo.

7. Problema IV. Describere circulum æqualem quadrato dato. Resolutio. Consideretur latus quadrati dati, ut hypothenusa, & quærantur catethi æquales, h. e. latera quadratorum æqualium semicirculí. Hi catethi sic determinantur: In quadrato dato ducentur 2 diagonales, ita per earum intersectionem orientur 4 Triangula, quæ, ut in geometria demonstratur, sunt rectangula, æquicrura, & inter se æqualia. Jam cum basis cuiuslibet horum Triangulorum sit opposita angulo recto; palam est eam, esse hypothenam, & crura ejus catethos. Quoniam igitur cathetus est latus quadrati æqualis semicirculo, ut patet ex § 5; consequenter ad raditum ejus, ut 5 : 4 (§1); dividatur unus cathetus in 5 partes æquales, & 4 illarum sumantur pro radio circuli describendi. Dico, circulum hoc radio descriptum, esse æqualem quadrato dato: nam ejus semicirculi vi § 1mi & 5ti, sunt æquales quadratis catethorum; sed hæc quadrata junctim sumta sunt æqualia quadrato dato: ergo etiam semicirculi junctim sumpti sunt æquales eidem quadrato. Ergo Circulus integer inventus, est æqualis Quadrato dato.





Biblioteka Jagiellońska



st0026012

Introlig: K.Wójcik
Zwierzyniecka 10

